

## 開放文學 – 神鬼仙俠 – 唐三藏西遊釋厄傳 三藏見佛求經

活表唐僧四眾脫難，來到佛地，勝景非常，經聲載道。三藏馬上舒懷。行者言曰：「師父，遇見假佛尚且下拜，至此怎麼還不下拜！」三藏聞言，慌得翻身跳下馬來。早見一仙童，迎入玉真觀，有許多仙真皆來相見。本觀安排茶飯，款待已畢，令仙童燒湯與聖僧沐浴淨身，天明上靈山參佛。三藏坐禪，等到天明，眾僧指引他師徒到了凌雲橋。只見一梢子撐著一隻無底船來接。行者知是佛祖與師父脫凡，他就先跳上船。三藏見船無底，不肯上去。行者挾師父上船，落在船底一過。行者扯起，三藏埋怨。行者道：「師父莫怨，此是佛祖替你脫凡胎。你不信，水上屍骸是誰的？」三藏看見垂淚。船已到岸，行者扶師父上岸，船已不見。三藏於是歡悅。四眾直至靈山上，到了雷音寺，四眾躬身而進。只見兩傍四金剛、八菩薩、三千揭諦，十八伽藍，如來坐在中堂。三藏帶三徒一一行禮已畢，呈上求經文牒。如來看完，遂言曰：「弟子聽言：你東土物廣人稠，多貪多殺，不遵佛教，不向善緣，故皆墮落幽冥，變成物類。雖有孔丘仁義之教，怎（原作「曾」）奈有放辟邪侈之徒，難超災孽（原作「孽」）。我有三藏真經，一藏談天，一藏說地（原缺「地」），一藏度亡，共三十五部，該一萬五千一百四十四篇，誠修真之經。」吩咐阿難、伽葉引唐僧經庫領經卷。阿、伽二尊者要與唐僧討人事，三藏道：「沒有。」二尊者道：「白手怎能取經！」行者放刁道：「我與你見佛祖。」二尊者連忙扯住，道：「我是戲言，你來領經。」三藏連忙接經，一卷一卷包裹停當，駝於馬上。

三藏轉至佛前及各菩薩，一一拜謝已畢，四眾登程回轉東土。幸那經庫閣上有一尊燃燈古佛，見二尊者以假經付與唐僧，心甚不忍，忙差白雄尊者趕唐僧轉來，取過真經。他四眾未轉多路，只聽一陣香風，半空中一隻手來搶去馬上經卷。行者承勢趕上，只見經本落地，都是白紙。三藏啼哭不已，行者道：「師父莫哭。此必是阿、伽二尊者未得人事，故以假經誑我，此搶經者必是何神指教我等，轉去見佛。」